



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

III. Celestinus causam Episcopi Massiliensis commisit Episcopis provinciæ Viennensis, & Narbonensis, id est, finitimæ. Causæ tamen Danielis, qui in altera earum provinciarum Episcopus fuerat ...

**urn:nbn:de:hbz:466:1-15617**

*I. X. Contendit insuper Leo ordinandum non esse Episcopum in loco dejecti, si is apostolicam sedem appellaverit, donec causa appellationis fuerit judicata. Constituum id fuerat in synodo Sardicensi. Sed cum eam in auctoritatem receperet non esset apud Africanos, abstinuit Leo a proferendis his canonibus in causa Lupicini. Ius appellationum in Africam introducere volunt Leo. Sed Africani ei assentir inoluerunt.*

*Zozimus epist. 5.  
ap. 417.*

**I.** Post introductos industria Zozimi Papae canones Sardicenses, successores ejus Bonifacius & Celestinus eorum executionem quaquaversum introducere tentarunt, non solum in Africa, sed etiam in reliquis provinciis Occidentis. Ex epistola namque Concilij Carthaginensis ad Bonifacium, quæ supræ relata est in capite decimo quinto hujus libri, pater eos canones nondum planè receptos alibi fuisse quam in Italia. Certum quidem est Zozimum ad se traxisse primam cognitionem causæ Proculi Episcopi Massiliensis, rogante Patroculo Arelatenensi: cuius cura depositus est Proculus à Zozimo, ut patet ex epistolis synodis ab eo missis ad Episcopos Galliarum, Hispaniæ, & Africæ. Verum ille damnatus fuit Romæ post legem Gratiani promulgatam, quæ Romani Pontificis judicio commiserat Metropolitanos, ut supræ ostendimus in capite undecimo hujus libri. Concilium enim Chalcedonense, cuius auctoritate Metropolitanorum judicia reservata fuerunt Patriarchis, nondum habitum fuerat. Ceterum Proculus ille per obreptionem in Concilio Taurinatensi anno cccxcvii. obtinuerat ius metropoliticum in nonnullis urbibus provinciæ Arelatenensis, ac deinde duos Episcopos ordinaverat contra præscripta canonum.

**II.** Si querela à quopiam Episcopo deferretur ad Pontificem Romanum, is causa cognitionem non suscipiebat, sed ad synodos provincialium remittebat juxta canones Nicanos. Colligitur id ex epistola Bonifacij primi ad Episcopos Galliarum scripta anno quadringentesimo decimo nono; in qua asserit decessores suos constituisse Maximum Episcopum Valentimum, quem Clerici ejus accusaverant, judicandum esse in synodo provinciali, à decessoribus meis provinciali delegata cognitione. Aclicet Maximus detrectaret judicium Episcoporum provincialium, noluit tamen Pontifex cognoscere de hac causa, sed præcisè inhærens auctoritatē canonum Sardicensium, rursum cognitionem causæ remisit ad synodum provincialē, jubens caufam illic definiri, tametsi Maximus, cui diem certam dixerat qua se synodo sistere teneretur, accedere recularet. *Dilationem quidem dedimus, inquit Bonifacius, & decrevimus vestrum intra provincialē*

debere esse judicium, & congregari synodum ante diem Calendarum Novembrium. Quemadmodum autem Bonifacius jurisdictionem Episcoporum provincialē illæsam conservabat, sic juri quoque prospiciebat sedi sua quæsito per canones Sardenses; nimis ut si Maximus se lassum esse existimaret, atque adeo sedis apostolicæ auxilium imploret, in potestate Papæ esset aut primum judicium confirmare aut revisionem decernere. In hac porro causa Maximus injuriam sibi illaram esse conquerebatur etiam ante primum judicium, & Summi Pontificis opem efflagitaverat. Itaque Bonifacius meritò petere potuit ut acta synodi ad se post judicium mitterentur, ob conquestiōnem sive appellationem quæ præcesserat. *Quidquid autem, inquit Bonifacius, vestra caritas de hac causa decernendum esse ducet, cum ad nos relatum fuerit, nostra, ut concedet, necesse est auctoritate firmetur.*

**III.** At Papa Celestinus causam Episcopi Massiliensis, adversus quem gravis instituta accusatio erat, non solum Episcopis provinciali Narbonensis secundæ, in qua sita erat Massilia, commisit, sed etiam Episcopis provincialē finitimæ, id est, Viennensis. *Vestro cum audiendum collegio delegamus,* inquit Celestinus in epistola ad Episcopos per Viennensem & Narbonensem provincialias constitutos. Quoad verò Daniëlem, qui in altera earum provincialium Episcopus fuerat ordinatus insuperhabita accusatio adversus eum instituta apud sedem apostolicam, hujus causa cognitionem ad se trahit Pontifex, haud injuria. Hic enim, cum adhuc Clericus esset, sacrarum virginum, quarum monasterium tenuerat, pollutus incestu fuerat in Oriente, & post detecta flagitia, in Occidentem migraverat. Tum criminum ejus relatio ad Celestimum, tanquam Occidentis Patriarcham, missa fuerat ab orientalibus, ut ait Celestinus: *Missa relatione ex orientalibus ad nos partibus. Misit verò postea epistolam ad Episcopum Arelatensem, ut Daniëlem vocaret ad judicium episcopale. Attamen ille in pontifici dignitatem hoc tempore quo ad causam dicendum missis à nobis literis vocabatur obrepit,* inquit Celestinus. Causam hujus retentionis explicandam esse existimavi, ne quis hinc colligeret Pontificem Romanum ea tempestate ad se traxisse primam cognitionem criminum Episcoporum Gallicanorum. Daniel enim accusabatur de variis criminibus non in Gallia commissis, sed in Oriente antè quam Episcopus fieret: quorum criminum cognitio ad Episcopos Orientis pertinebat, ij verò auctoritatem in eo casu suam

ad

## & Imperij Lib. VII. Cap. XVII. 345

ad Celestimum transtulerant.

I V. Leo autem primus tria quædam nos docet. Primum enim ostendit quonam modo se gererent Romani Pontifices, etiam quoad Gallias, postquam relationes de rebus dubiis ad eos missæ fuerant, & post apellationem à judicio lati adversus Episcopos, quæ aut confirmata fuerant à sede apostolica, aut retractari jussa. Hæc sunt ejus verba ad Episcopos provinciæ Viennensis: *Nobiscum itaque vestra fraternitas recognoscat apostolicam sedem pro sui reverentia à vestre ciuitate provincie sacerdotibus innuneris relationibus esse consultam, (hoc est antiquum jus quod à synodo Nicæna arcessit Papa Innocentius) & per diversarum, quemadmodum vestis consuetudo pescebat, apellationem causatum aut retractata aut confirmata fuisse judicia. Istud verò jus est à Sardicensi Concilio introductum.*

V. Docet deinde Leo primam causarum Metropolitanorum cognitionem institui posse apud apostolicam sedem; ut probatur exemplo Hilarij Arelatensis Metropolitani. Evocatus is fuerat Romam ob multas Episcoporum ordinationes peractas invito clero & populo, quos manu armata instituerat in Ecclesiis. Privatus itaque jure metropolitanico a Leone fuit in Concilio Romano. Eodem decreto missa est in irritum sententia lata adversus Chelidonum Episcopum, quem Hilarius sacerdotio dejecterat tanquam viduæ maritum. Verum cùm id probare non potuisset Hilarius in Concilio Sacerdotum quod tunc Leo Roma celebrabat, Chelidonius Ecclesiæ suæ redditus est. Supicari heic meritò aliquis possit vim iuri constituto factam à Leone, quod causam Chelidonij Roma judicaverit, cùm eam remittere debuisset ad Episcopos provinciales, ab eis terminandam cum Episcopis provinciæ finitimæ, juxta canonom Sardensem. Sed ex eo capite repertenda est Leonis defensio, quod Chelidonij appellatio juncta esset accusationi adversus Hilarium Arelatensem Episcopum instituta, ac præterea quod ipse quoque Metropolitanus Episcopus esset, Velontionensis nimurum, ut præfert codex monasterij Iurensis à Sirmundo laudatus in Notis ad hanc Leonis epistolam.

V I. Intellexit Leo difficultem in Gallia fore executionem judicij adversus Hilarium facti, tum ob magnam viri dignationem ex sanctitatis ejus opinione profectam, tum etiam ob infractos canones in causa Chelidonij, quæ Roma fuerat definita. Itaque constitutionem à Valentiniiano Aug. impetravit, quæ præcipit ut judicium illud mandetur executioni. Verum additio quæ se-

quitur, magni momenti est. Edicto enim perpetuo inter alia decernitur quod si aliquis Episcopus Galliarum, aut aliarum provinciarum, Romanum evocatus, Summi Pontificis judicio se sistere recusat, adeste cogatur per gubernatorem provinciæ: *Ita ut quis Episcoporum, inquit Valentinianus, ad judicium Romani Episcopi evocatus venire neglexerit, per moderatorem ejusdem provinciæ adeste cogatur. Rescriptum autem illud non solùm ratum esse decernit decretum in causa Chelidonij factum, sed etiam novum jus introducit adversus canones Sardenses. Episcopo enim Romano tribuit potestatem evocandi Romanum Episcopos. Sed Galli existimarent sic obsequendum esse Pontifici ut interim nihil detrahatur de auctoritate canonum Sardencium, quemadmodum suprà ostensum est.*

V II. In alia quoque occasione contendit Leo Metropolitanos judicari non posse absque sententia Episcopi Romani. Anastasius Episcopus Theffalonicensis caput erat & primus Metropolitanus Illyrici orientalis, id est, Macedoniae, Achaiae, Epiri veteris & novæ, aliarumque provinciarum; ac præterea, quod dignitatem munieris sui fortius retineret, vicariatu Papæ Leonis ornatus fuerat, ut ejus Legatus natus esset in his provinciis. Is ergo ad se manu armata adduci à publicis officiis præfeturæ Illyricianæ curaverat Atticum veteris Epiri Metropolitanum antistitem. Id atrociter ac vehementer factum ait Leo, *An forte, inquit, aliquod tibi factum est, quod tu innoueras, & Metropolitanum Episcopum novi apud te criminis pondus argebas? At hoc quidem alienum ab illo esse etiam tu nihil ei objicendo confirmas. Sed etiam si quid grave intolerandumque gessisset, nostra erat expectanda censura; ut nihil prius ipse decerneret quād quid nobis placet agnosceres.*

V III. Successores quoque ejus incessit eadem cura quoad Gallias. Hinc enim factum ut Papa Hilarius Hermetem Episcopum Narbonensem suspenderit à juribus metropoliticis anno quadragesimo sexagesimo secundῳ. Idem Leontio Episcopo Arelatenensi delegavit sollicitudinem castigandi presumptionem Mamerti Metropolitani Viennensis, reservans tamen sedi apostolicae judicium, postquam Leontij & synodi relationem receperit. Tum anno quadragesimo sexagesimo quarto, post acceptam relationem, negotium illud termi-

XX

Vide supra lib. 5.  
cap. 12. §. 4. &  
legg.

Vide Marcum in  
 libro de Primiti.  
bus p. 78.

Vide supra lib. 5.  
cap. 12. §. 4. &  
legg.

Vide supra lib. 5.  
cap. 54. §. 4. &  
legg.